

Inerniliussat, oqallinneq innersuussutillu



NAPA

Eqikkaaneq

- Kalaallit Nunaanni kulturikkut eqqumiitsuliornermillu inuussutissarsiuteqartut 170-it akissutaat (2023–24) misissuinerlut tunngaviupput.
- Nunatsinni niuernerq pingaarnerpaavoq; takornariaqarneq avammut tunisaqarnerlu periarfissaapput.
- Niuernerup tungaatigut pilersarusiorneq tuniniaanerlu sanngiinnerpaapput.
- Attaveqaqatigiinneq ataatsimoornerlu kajumississutaasarpog; unammillerneq ikittuinnarnut kajumississutaasarpog.
- Pisariaqartitsineq: Nunaqavissut nunanilu allaniittut suleqatigiinneq, tuniniaasarneq, pisinnaatitaaffinnik atuineq, saqqummiussineq aningaasanillu pissarsiornerit.
- Siunnersuutit: 1) Pikkorissartitsineq siunnersornerlu, 2) Attaveqaqatigiinneq suleqatigiinnerlu, 3) Niveqatigiiffiit nutaat, 4) Taperneqarnissamut aaqqissuussinerit

Tunuliaqutaa siunertaalu

Nunatsinni kulturerput nukittullunilu assigiinngitsorpassuarnik tunuliaqutaqarpoq - kisiannili tamatumani sinaakkutit pisariaqartitat periarfissallu pillugit ilisimasat killeqarput. Taamaattumik NAPA 2023-mi pisariaqartitanik misissuinermik aallartitsivoq, taannalu tunngavigalugu kulturikkut eqqumiitsuliornermillu suliaqartut suliffeqarfiillu niuernikkut periarfissaat tapersersuinerillu nukittorsarneqassapput.

Periaaseq paasissutissallu tunngaviusut

Periuseq: Apeqqutit 30-t sinnerlugit atorlugit apersuineq, 2023-p naalerneraniit 2024-p aallartinneranut.

Oqaatsit: Kalaallisut, qallunaatut tuluttullu.

Akissut: 170-it.

Sammissat: (1) Illit aamma sinaakkutit, (2) Illit kajumissutsit/ilissi kajumissusersi, (3) Pisariaqartitsineq.

Kina akiva

Suiaassuseq: Arnat 105; Angutit 56; Alla 3; Ilisimatikkusunngilara 6.

Sumi najugaqarpat: Nuuk 125, Qaqortoq 13, Sisimiut 10, sinneri agguataarsimasut.

Suliat: Nipilersorneq (58), assilialiorneq (39), isiginnaartitsineq/teknikki (38), atuakkiorneq (37), filmit (35) il.il.

Suliffik: Piffissaq tamaat 90, saniatigut aningaasarsiaqarneq 46, isertitaqarnanga sulinngiffinni ukkatarivakka 14, alla/unikaallatseqqavara 18.

Oktobarimi 2025-mi saqqummerpoq.

Pisariaqartitsineq pillugu misissuineq Nunani Avannarlerni Piorsarsimassutsikkut Attaveqaatimit suliarineqarpoq.

Isumassarsiaq: Søren Würtz.

Apeqqutinik piareersaaneq paasissutissanillu katersineq: Jaqqa Petersen, Laura Cathrine Buur Andersson.


Allaaserisag misissuinerlu: Malik Brøns.

Qujanaq Frederik Lindström Kulturanalyse Nordenimeersoq ikiuisimammat.

Sammisaq 1 – Illit aamma sinaakkutitit

Pinngorartitsiffiit suut suliarisarpigit?

[Tulluartut tamaasa toqqakkit]




- Nipilersorneq aamma nipilersornermik suliffeqarfik : **58**
- Assilialiorneq, digitalimik eqqumiitsuliat, qiperukkat, eqqumiitsulianut katersugaasiviit : **39**
- Isiginnaartitsineq, qitinneq, aaqqissuussat imaluunniit takutitsinerit, teknik, nipilerineq aamma qullilerineq : **38**
- Atuakkialerineq, naqiterisitsisarfik, aamma suliffeqarfik atuakkialerinermut tunngasoq: **37**
- Filmiliorneq, filmiliornermillu suliffeqarfik : **35**
- Tusagassiutit, ussasaarutit aamma attaveqaqatigiinneq, assililineq, grafikerisut ilusilersuineq : **35**
- Kulturilerinermik suliffeqarfiit, katersugaasiviit, atuakkanik atorniartarfiit : **32**
- Ilusilersuineq – pinnersaatit, pequtit, sanalukkat il.il. : **28**
- Mutit, fashion aamma atisat, mersortoq : **23**
- Illuliortaaseq aamma illoqarfimmik ilusilersuineq : **7**
- Spilit aamma pinnguaatit – brætinik spilerneq, computerspil, inuttaaffeqarluni isiginnaartitsineq (rollespil), pinngussat il.il. : **6**

Assigiinngisitsineq Kalaallit Nunaanni eqqumiitsuliornermik suliaqartut assigiinngissuteqarnerannik ersersitsivoq. Nipilersornermik, atuakkiornermik assilialiornermillu suliallit amerlanerupput, nutaanerusulli soorlu pinnguaatit illulianillu titartaasartut ikinnerullutik.

Akissutitut akissutigineqartut suliffimmik ataasiinnaangitsumik toqqaasinnaapput.

Ukunani sorliit illit atukkannut tulluarnerruppat?

[Suliffeqarfiugussi arlallit atorfeqarfiat, taava toqqarsiuk arlarsi kina akinersoq]



·Inuussutissarsiutigalugu eqqumiitsuliornermik kulturimillu suliaqartarpunga (suliffeqarfimmi imaluunniit/aamma namminersortutut): **90**

·Pinngorartitsineramik attuumanngitsumik inuussutissarsiuteqarpunga imaluunniit ilinniartuuvunga. Pinngorartitsineq kulturilerinerluunniit saniatigut isertitaqarfigaakka: **46**

·Pinngorartitsineramik attuumanngitsumik inuussutissarsiuteqarpunga imaluunniit ilinniartuuvunga. Pinngorartitsineq kulturilerinerluunniit isertitaqarnanga sulinngiffinni ukkatarivakka: **14**

·Alla (Utoqqalinersiutilik, suliffikka taarserarput il. il.): **9**


·Pinngorartitsillunga suliaqartarnera unikaallatseqqavara: **9**

Akissutit: 168

Akissutit affaannit amerlanerusut inuussutissarsiutigalugu eqqumiitsuliornermik suliaqarput.



Illit/ilissi kikkut pingaarnertut pisisartoraasigit?




Akissutit: 168

Kalaallit Nunaanni iluani niuverneq pingaarnerpaajuvoq, aammali nunanut allanut nioqquteqarnerunissamut takornariaqarnikkullu isertitaqarnerulernissamut periarfissaqarpoq.



**Illit/ilissi suliffeqarfimmi periarfissat kajumissuseqarlualusi
suliarisarpisigit? Assersuutit:**

**Illit/ilissi siunissaq eqqarsaatigalugu pilersaarusiortarpisi? Suliffissi,
suleqatigiinnerit aamma niuerfinnik ineriartortitsinerit pillugit periusissatut
iliusissatullu ittunik pilersaarusiortarpisi? Illit/ilissi qanoq ilillusi pisisartut
nalingat, taamatullu nammineq isertitassat aallaavigalugit qanoq
annertusaaffiginissaat pillugit aalajangiisarpit/-si?**



Akissutit: 167

31 procentiinnaat "Assut qaffasissulimmik" aamma "Qaffasissumik" toqqarsimavaat niuernermik ineriartortitsineq eqqarsaatigalugu pilersaarusiortarlutik. Amerlanerit "ilaatigut" akipput, 30 procentingajallu "taamaaliorpiarneq ajorlutik imaluunniit Naamik toqqarsimavaat.


Tamanna qanoq paasisariaqarpa?

Eqqumiitsuliortut kulturikkullu suliaqartorpassuit niuernikkut ineriartortitsineq aaqqissuulluanngilaat imaluunniit ilaannikkut taamaallaat pilersaarusiortarput. Tamanna aamma isumaqarsinnaavoq amerlanerit periarfissat ataasiakkaat eqqarsaatigisarpaat siunissaq ungasinnerusoq eqqarsaatiginagu.

Ineriartorfiusinnaasut

- Periusissiornermut, anguniagaqarnissamut tunngaveqartumik pilersaarusiornissamut tunngatillugu piginnaanngorsaanissaq pisariaqarsinnaavoq.
- Pikkorissaaneq siunnersuisarfinnilu isumassarsisoqarsinnaavoq ilitersuiartortoqarsinnaavoq.
- Suliffeqarfiit siuariartornissamut periarfissallit periusissianik paasiuminartunik, nutaaliorinnaanermik aningaasatigullu imminut napatissinnaanermik tunngavilinnik, iluaqutigisinnaavaat.

Illit/ilissi suliffeqarfimmi periarfissat pillugit siunnersorneqarnissamut aamma siunnersiueqateqarnissamut neqeroorutit tulluuttut atorsimavisigit?



Akissutit: 167

Akissutit amerlanerpaartaat – affaat sinnerlugit (167-init 90-it) – siunnersiueqateqarnissamut neqeroorutit atuinnngillat. "Allat" (42) aappattut akissutigineqarnerpaavoq, tamatumalu takutippaa ammasumik attaveqaqatigiittarfiit imaluunniit suli ilisimaneqanngitsut atorineqassasut. Ikittuinnaat kommunip inuussutissarsiortunut sullissivia, NALIK aningaaseriviilluunniit ikiortissarsiorfigaat.


Tamanna qanoq paasisariaqarpa?

Kalaallit Nunaanni kulturikkut eqqumiitsuliornermillu inuussutissarsiuteqartut inuussutissarsiornermik siuarsaanermut aqqissuussanut atuuttunut attaveqarnerat killeqartorujussuuvoq. Tamatumunnga pissutaasinnaavoq ilisimasakippallaarneq, tulluarpallaannginnermik imaluunniit neqeroorutitut pioreersunut tatiginnippallaanermik takutitsisoq.

Ineriartorfiusinnaasut

- Kulturikkut eqqumiitsuliornermillu suliaqartunut siunnersuisarnerit nukittorsarneqartariaqarlutillu erseqqinnerulersinneqartariaqarput.
- Siunnersuineq kulturilerinnermi eqqumiitsuliornermillu suliaqartunut naleqqussarsinnaapput, immaqalu misilittagalinnit tatigisaminnit ingerlanneqarlutik.
- "Allat" suunersoq misissorneqarsinnaasut ilagaat, periaatsit atorluarneqartut ilinniarfigineqarsinnaapput.

Allaffissornikkut aqutsineq nukittuffigaara/nukittuffigaarput



Akissutit: 165

21 procentiinnaat (165-init 35-t) isumaqataapput imaluunniit isumaqatigilluinnarpaat allaffissornermi aqutsinermi nukittuffigalugu. Amerlasuut (61-it) arlaannaannulluunniit attuumassuteqanngitsutut toqqaapput, 69-illu isumaqatiginngilluinnarluguluunniit isumaqatiginngilaat.


Tamanna qanoq paasisariaqarpa?

Eqqumiitsuliornermik kulturilerinermillu suliaqartorpassuit allaffissornikkut aningaasaqarnikkullu piginnaasaqarpallaartutut imminnut isigineq ajorput. Tamanna kulturikkut sulianut tunngatillugu nalinginnaasumik takussaavoq, eqqumiitsulianik suliaqarneq nuannarisaqarnerlu allaffissornikkut piginnaasaqarnermut atassuteqarneq ajorluni. Tamanna aningaasanik aqutsineq aamma pilersaaruserneq killeqarneranik suliniutillu piviusunngortinneqarpallaannginnerannik kinguneqarsinnaavoq.

Ineriartorfiusinnaasut

- Allaffissornermi, missingersuutinik aningaasaqarnikkullu pilersaarusernermi ilinniartinneqarnissaat siunnersuneqarnissaallu pisariaqartippaat.
- Siunnersuisoqarneq aningaasaqarnikkulluunniit ilisimasalinnik suleqateqarneq piviusorsiorunik suliaqartut niuernikkut ingerlalluarnissaannut iluaqutaasinnaavoq.
- Aningaasanik aqutsineq qanoq ililluni pinngortitsinerlut ilaatinneqarsinnaanersoq misissorneqarsinnaavoq, suliaassatut immikkoortutut isigineqannginniassammat, kisiannili suliniutut iluatsilluarnissamut ataavartuunissamullu iluaqutaasutut isigineqarsinnaaqqullugu.

Uanga/uagut attaveqarfiit nukittuffigaakka/nukittuffigaagut



Akissutit: 164

Apeqqummut akissuteqartut 164-init 77-t (47 procentit) isumaqaataapput imaluunniit isumaqatigilluinnarpaat attaveqarfiit nukittuffigalugu. Pingajorartaasali missaat arlaannaannulluunniit attuumassuteqanngitsutut akissuteqarput, 21 procentillu isumaqaataanatik akissuteqarput. Tamatuma takutippaa suliaqartorpassuit attaveqaqatigiinnissamut periarfissaat sulii ineriartortinneqarsimanngitsoq, ingammik inoqarfinni mikinerusuni avinngarusimasuniluunniit.


Tamanna qanoq paasisariaqarpa?

Kulturilerinermik eqqumiitsuliornermillu suliaqarnerup ineriartortinnissaanut attaveqaqatigiilluarneq pingaaruteqarpoq – suleqatigiinneq, niuernermit periarfissaqarneq isumassarsiniarnerlu eqqarsaatigalugit. Affaat missaanniittut attaveqaqatigiilluartutut misigigaangata aallartilluarneruvoq – inuppassuilli sulii attaveqaqatigiilluartut avataanniipput. Nuummi illoqarfinnilu annerni eqqumiitsuliortut inoqarfinni mikinerusuni najugaqartunit sulisartunilluunniit attaveqaqatigiinnissamut periarfissaqarnerusarput.

Ineriartorfiusinnaasut

- Attaveqaqatigiinnerit ataatsimoornerillu, soorlu suleqatigiinnerit internetikkulluunniit attaveqaqatigiittarnerit, ineriartortinneqarsinnaapput.
- Kulturikkut, inuussutissarsiornikkut takornariaqarnikkullu assigiinngitsunik suliaqartut attaveqaqatigiinnerisa ineriartortinneqarnissaat tapersorsorneqarsinnaavoq.
- Sumiiffinni attaveqaatit killeqartillugit, soorlu najukkami ingerlatsisunik imaluunniit attaveqaatinik pilersitsisunik suleqateqarluni, immikkut ukkatarineqarsinnaavoq

Pisisartunik paasinnineq aamma pisisartunut attaveqartarneq nukittuffigaara/nukittuffigaarput




Akissutit: 164

Pisisartunik paasinninnerluartuusutut aamma pisisartunut attaveqartarluartuusutut amerlasuut isumaqataapput (45 %) — tassa affaasa missaanniittut tamatumani imminut tatigisimapput. Taamaakkaluartoq 30 procentingajaat arlaannaannulluunniit attuumassuteqanngitsutut taasipput, 25 procentillu isumaqataanatik.

Ineriartorfiusinnaasut

- Pisisartut sullitalluunniit kikkuunersut paasisariaqarpaat: Eqqumiitsuliortut amerlasuut nuannarisaminnik eqqumiitsuliornissartillu kajumississutigalugu sulisarput, qaqutiguulli kikkut pisisartuunersut imaluunniit atuisarnersut pilersaaruserlugu. Taamaallutik niuernerminnik ineriartortitsinissaq iliuuseqarnerallu kissaatigisatut sunniuteqarnersoq nalilernissaa ajornakusoornertarpoq.
- Attaveqarneq: Kulturilerinermik eqqumiitsuliornermillu suliaqartut sullitaminnut pisisartuminnullu attaveqarluarnissaat sammineqarsinnaavoq.
- Atuisut peqataatinneqarnissaat: Atuisut peqataatinneqarnissaannut isumaannik paasiniaanissamut atortunik atuisunut neqeroortigineqarsinnaasunik pilersitsisoqarsinnaavoq, taamaalluni nioqqutissat kiffartuussinerillu atuisut pisariaqartitaannut naleqqussarluarnerusinnaallutik.

Periusissanik iliuusissanillu pilersaarusiorneq nukittuffigaakka /nukittuffigaarput



Akissutit: 165

Apeqqummut tamatumunnga akissutitut aperineqartut 25 procentiinnaat isumaqatigiipput imaluunniit isumaqataavillutik periusissanik iliuusissanillu pilersaarusiorneq nukittuffigalugu. 40 procentit isumaqataaangillat imaluunniit isumaqatiginngilluinnarpara, amerlasuullu (34 procentit) arlaannaannulluunniit attuumassuteqanngitsutut akissuteqarput. Tamanna nalorninermik imaluunniit niuernikkut ineriartortitsinissamut periusissiamik piginnaannginneq pissutaasinnaavoq.


Tamanna qanoq paasisariaqarpa?

Suliffeqarfiit ataavartumik ineriartornissaannut pingaaruteqartumik sanngiiffitut isigineqarsinnaavoq, tassa suliffeqarfiit amerlasuut periusissiamik aalajangersimasumik suliaqarneq ajorput imaluunniit piginnaanitik tatiginngilaat.

Ineriartorfiusinnaasut

- Kulturikkut eqqumiitsuliornermillu inuussutissarsiuteqartunut tulluurtumik pilersaarusiornermut niuernikkullu periusissiornermut tunngatillugu pikkorissartitsisoqartariaqarpoq siunnersuisoqarlunilu.
- Siunnersuisartunik pilersitsineq: Aallartitsisut ineriartortullu misilittagaqarluartunik siunnersuisartunik imaluunniit siunnersortinik pilersitsinikkut ikiorneqarsinnaapput.

Tuniniaaneq aamma tuniniiasarfiit nukittuffigaakka /nukittuffigaagut



Akissutit: 163

27 procentiinnaat tuniniaanerup nukittuffiunera isumaqataallutik isumaqataalluinnarlutillu akipput, 50 procentillu isumaqatiginngilaat imaluunniit isumaqataalluinnarput. 23 procentit arlaannaannulluunniit attuumassuteqanngitsutut akipput. Kulturikkut eqqumiitsuliornermillu inuussutissarsiteqartut tuniniaanermi pikkorinnissaq unamminiarnartikkaat tamanna isumaqarsinnaavoq.


Tamanna qanoq paasisariaqarpa?

Kulturikkut eqqumiitsuliornermillu suliaqartorpassuit suliaminnik tuniniaanissaq ajornakusoortittarsinnaavaat — tamannalu ineriartornermut aningaasaqarnikkullu ataavartuunissamut akornutaasarpog.

Ineriartorfiusinnaasut

- Tuniniaanermik ilinniartinnissaq pisariaqarsinnaavoq.
- Digitale kanaler: Hjælp med at identificere og benytte online salgskanaler og platforme – især for dem i afsides områder.
- Digitalikkut tuniniaaneq: Internetikkut tuniniaanermut atortorissaarutit, ingammik avinngarusimasumiittunut, qanot ittut atorreqarsinnaanersut misissorneqarsinnaapput.
- Misilittakkat avitseqatigiissutiginnissaat: Tuniniaanermik misilittagallit tuniniaasalersullu avitseqatigiissinnaapput.

Pisinnaatitaaffiit tigussaangitsut – ass. Royalties, KODA, akuersissutit – suliffinni tunngaviupput



Akissutit: 163

Apeqqummut tamatumunga akissutitut 10 procentiinnaat isumaqarput pisinnaatitaaffiit taakkua niuernerminni tunngaviusut, 69 procentillu isumaqataangillat imaluunniit isumaqatiginngilluinnarpara. Akissutit sisamararterutaasa arlaannaannulluunniit attuumassuteqanngitsutut akipput, tamannalu immaqa isumaqarpoq ilisimasakippallaarlutik imaluunniit suliaminnut attuumassuteqaratik.

Tamanna qanoq paasisariaqarpa?


Tamanna isumaqarsinnaavoq Kalaallit Nunaanni kulturilernermi eqqumiitsuliornermillu inuussutissarsiuteqartut amerlanersaat:

1. Pisinnaatitaaffiit tigussaangitsunik tunngasunik atornagu sulisartut (assersuutigalugu sanalukkat, ilusilersuinerit isiginnaartitsinerillu),
2. Pisinnaatitaaffiit atorluarniarnagit sulisartut,
3. Aningaasatigut pisinnaatitaaffinnik qanoq illersorneqarnissartik atorluarnissartillu ilisimanngilaat.

Ineriartorfiusinnaasut

- Pisinnaatitaaffiit akuersissutillu pillugit paasisutissanik ilisimatitsissuteqartariaqarpoq. Amerlasuut ilisimasaqarnerulernermikkut iliuuseqarnerujartornermikkullu aningaasarsiornerusinnaallutillu pisinnaatitaaffeqarnerulersinnaapput.
- Isumaqatigiissutit, royalties, KODA aamma akuersissutininik aqqissuussinerit pillugit pikkorissartitsinerit neqeroorutigineqartarsinnaapput.

Uanga pinngorartitsinermi qanoq ineriartussallunga nalunneqqissaarpara



Akissutit: 166

27 procentiinnaat (46-t) isumaqataapput imaluunniit isumaqataalluinnarput qanoq iliornissartik nalunngilluinnarlugu, 46 procentit isumaqatiginngilaat imaluunniit isumaqatiginngilluinnarpara, 27 procentillu arlaannaannulluunniit attuumassuteqanngitsutut akipput. Tamanna nalorninermut imaluunniit nammineq ineriartortitsiniarluni pisariaqartitsinermik ilisimanninnginnermut ersiutaasinnaavoq.

Tamanna qanoq paasisariaqarpa?


Ineriartornissamut pingaaruteqarpoq sumi qanorlu ineriartortoqarsinnaaneranik ilisimasaqarneq. Kulturikkut eqqumiitsuliornermillu suliaqartut qanoq nukittuffiiniq sanngiiffiiniq paasiniaaffigineqartarnissaat pisariaqartoq misissuinerup takutippaa. Aammattaaq kisimiilluni sulinermut imaluunniit suliffimmi attaveqarfiginngisaqarnermut ersiutaasinnaavoq.

Ineriartorfiusinnaasut

- Siunnersortitut ilinniarnaq suliarmullu tunngasunik siunnersuineq: Sulinermut tunngasunik siunnersortitut ilinniartitsisoqarsinnaavoq, tamannalu ineriartornissamut iluaqutaasinnaavoq.
- Tunngavilersuutiniq saqqummiussisarneq: Suliniutit ineriartortitsinerullu tungaatigut toqqassisimanartumik isummerfissaqartitsisoqartariaqarpoq.


Sammisaq 2 – Illit
kajumissutsit/ilissi
kajumissusersi

Uanga/uagut niuvernemik ingerlalluarnerup kajumissuseqartittarpaanga-/tigut – aningaasarsiornissap




Akissutit: 168

Akissutigineqartut assigiimmik agguataarsimapput, tamannalu niuernikkut kajumissuseqarneq assigiinngilluinnarneranik isumaqarsinnaavoq. 37 procentiinnaat (62-it) niuernikkut imaluunniit aningaasarsiornissaq kajumissuseqartippaat. Amerlanerusut — 39 procentit — isumaqatiginngillat imaluunniit isumaqataannngilluinnarput, 24 procentillu arlaannaannulluunniit attuumassuteqanngitsutut akipput.



Uanga/uagut allanut unammillernerup kajumissuseqartittarpaanga/-tigut? Soorlu spil-erlunga ajugaarusuttarpunga




Akissutit: 168

20 procentiinnaat (33-t) isumaqarput unammillerneq suliffimminni kajumississutigalugu, amerlanerussuteqarluartut — 62 procentit — isumaqataangillat imaluunniit isumaqatiginngilluinnarparaat.



Uanga/uagut allat peqatigalugit pilersitsinissap kajumissuseqartittarpaanga/-tigut



Akissutit: 169


Aperineqartut 65 procentii isumaqataapput imaluunniit isumaqataalluinnarput allat peqatigalugit suliaqarnissamut kajumississutigissallugu, 18 procentiinnaallu isumaqatiginngilaat imaluunniit isumaqatiginngilluinnarlutik.

Tamanna qanoq paasisariaqarpa?

Kalaallit Nunaanni kulturikkut eqqumiitsuliornermillu inuussutissarsiuteqartut ataatsimoorfigeqatigiinnermik suleqatigiinnermillu pingaartitsilluinnarput. Inuppassuit namminneq unammillernatik suleqatigiikkaangamik ingerlalluarnerusarnerannik aamma ataatsimoorluni angusaqarluarnermik kinguneqartarneranik ersersitsivoq.



Uanga/uagut piginnaasama/-tta allanut ingerlateqqinissaata kajumissuseqartittarpaanga/-tigut



Akissutit: 169

Aperineqartut 169-iusut akornanni 106-it isumaqarput piginnaanitik allanut ingerlateqqikkusullugu, 14 procentiinnaat isumaqataangillat imaluunniit isumaqataangilluinarlutik, sinnerilu arlaannaannulluunniit attuumassuteqanngitsutut akipput.


Tamanna qanoq paasisariaqarpa?

Kalaallit Nunaanni kulturilerinermik eqqumiitsuliortunillu suliaqartut amerlasuut piginnaanitik allanut ingerlateqqikkusullugu kajumississutigaa.

Ineriartorfiusinnaasut

- Misilittagallit ilisimasaminnik avitseqatiginnikkusunnerat kajumississutigalugu siunnersuisarsinnaapput.
- Tapiisarfiit suliniutillu ilisimasamik misilittakkanillu avitseqatigiinnissamik periarfissiisut pingaarnerutittariaqarput — ingammik meeqqat inuusuttullu tunngasut.

Avatangiisini toqqissisimanartuni uannut unammillernartut pillugit avitseqateqarusussinnaavunga aamma suliffiga pillugu siunnersueqateqarusullunga




Akissutit: 169

69 procentit (116-it) isumaqataapput isumaqatigilluinnarlutilluunniit avatangiisini toqqissisimanartuni unammillernartut pillugit avitseqatiginninnissamut siunnersorneqarnissamullu piumassuseqarlutik.

Sammisaq 3 – Pisariaqartitsineq

Illit/ilissi suliffeqarfittut suna pikkorinnerulerfigerusuppisiuk?



Akissutit qulaaniittut marluk suleqatigiinnermut tunngapput – Kalaallit Nunaanni nunanilu allani.

Tuniniarneq pisisartunik paasinninnissaq pingajuattut inissisimanerat akissuteqartorpassuit sullitaminnut attaveqarluarnerulernissaannik kissaateqarnerannik ersersitsivoq.

Piginnittuusinnaaneq aamma tigussaangitsunut pisinnaatitaaffiinnut tunngasumut soqutigineqartorujussuummat, isumassarsiat suliallu illersorneqarnissaat pisariaqarsinnaavoq.

Suliniummik saqqummiineq aamma saqqummeeriaaseq aamma taaneqarneqaani ilaavoq.

Ineriartorfiusinnaasut

- Attaveqaqatigiinnerit nukittorsarneqartariaqarput – timikkut digitalikkullu – suliffeqarfiup iluani nunallu avataani suleqatigiinneq ajornannginnerulersinniarlugu.
- Kulturilerinnermut eqqumiitsuliornermillu suliaqartut tuniniaanermut, nittarsaassinnermut, pisinnaatitaaffinnik atuinnermut aningaasanillu katersuinnermut tunngasunik pikkorissartinneqartariaqarput.
- Nunanit tamalaanit suleqatigiinneq avammut niuvernemik siuarsaasinnaavoq, suliffimmik ineriartortitsisinnaavoq aningaasarsiornikkullu nutaanik periarfissaqalersitsisinnaalluni.
- Immaqa siunissami pinngortitsinnermut tunngatillugu teknikkikkut ineriartornerit, soorlu AI atorlugit soqutigineqarnerusinnaapput.

Oqaluuserisassat

Ilarpassui pilersitsiniarnermik, suleqataarusussuseqarnermik ilisimasanillu avitseqatigiinninnissamik kissaateqarput.

Taamaattorli amerlasuut unammilligassaqartarput, ingammik niuerneramik paasinninnermut aningaasaqarnikkullu ataavartumik ingerlatsinissamut tunngatillugu. Ikittuinnaat periusissiornermik, aningaasaqarnermik, tuniniaanermik pisisartullu paasinissaannut tunngasunik suliaqarput, amerlasuullu inuussutissarsiornikkut neqeroorutit pioreersut atorluarneq ajorpaat. Isumaqaarsinnaavoq amerlasuut isumassarsiaqarlutik suliniuteqaraluartut aningaasatigut pisariaqartunik atortussaqaanngimmata.

Attaveqaqatigiinneq suleqatigiinneq nukittuffiupput ineriartornissamullu periarfissaasut. Inuppassuit misigisarpaat attaveqaqatigiinneq ineriartornissamut iluaqutigisarlugu, kisianni Nuummit ungasissumiittut taamatut periarfissaqarnissartik ajornakusoortittarsinnaavaat. Taamaattumik misissuinerup takutippaa siunissami ineriartorneq ataatsimoornermik, suleqatigiinnermik ilisimasanillu avitseqatigiinnissamik tunngaveqartariaqarpoq.

Inerniliineq

Kulturikkut eqqumiitsuliornermillu inuussutissarsiuteqartut piumassuseqarluarput, pilersitsinissamut piginnaasaqarluarlutillu inuiaqatigiinnut tunniussaqaarusungaarlutillu ilisimasanik avitseqaterussuteqartuupput. Kisianni aamma unamminiagassaqaqtarput: pilersaarusiorneq amigaataavoq, niuernermit piginnaanerit killeqarput nunanilu tamalaani niuerfinnut iserniarneq ajornakusoortarluni. Aammattaaq attaveqaqatigiinnerup suleqatigiinnerullu nukittorsarneqarnissaa pisariaqartinneqarpoq — najukkami, nunami nunanilu tamalaani.

Periarfissaq tamanna atorluarneqarsinnaassappat inuussutissarsiut tapersersorneqartariaqarpoq piginnaanngorsaaniikkut, attaveqaqatigiinnermik suleqateqarnermillu ineriartortitsinikkut kiisalu inuussutissarsiornermut tunngasunik neqeroorutitut qaninnerusumik attuumassuteqartunik.

Siunnersuutit

1. Pikkorissartitsineq siunnersornerlu

- Kulturikkut eqqumiitsuliornermillu suliaqartut aningaasaqarneq, periusissiorneq, tuniniaasarneq aamma pisinnaatitaaffiit pillugit ilisimasaqarnerulertariaqarput. Tamanna pisinnaavoq pikkorissartitsinerikkut siunnersuinerillu aqqutigalugit.

2. Attaveqaqatigiinneq suleqatigiinnerlu

- Suleqatigiinnerulernissaq kissaatigineqarpoq – nunatsinni nunanilu allani. Taamaattumik naapittarfiit digitalikkullu ataatsimoorfiit amerlanerusut pilersinneqartariaqarput, tassani isumassarsiullaqqissut misilittakkanik paarlaasseqatigiittarlutillu suliniutinik aallartitseqatigiittarsinnaasut.
- Illoqarfiit mikinerit immikkut sammineqarsinnapput Nuummit nunap sinneranut nikingassutaa annikillisinniarlugu.
- Nunat tamalaanut suleqatigiinneq siuarsarneqassaaq, ingammik nunani avannarlerni issittumilu.

3. Niveqatigiiffiit nutaat

- Amerlasuut eqqumiitsuliatik isumassarsiatillu allanut ingerlateqqikkusuppavut. Digitalikkut tuniniaaviit, takornarialerisunut attaveqarneq aamma avammut niuerneq tapersiineq pisariaqarpoq.

4. Tapersersuinissamut aaqqissuussinerit

- Suliffeqarnerup siuarsarnissanut neqeroorutigineqartut immaqa tamatigut kulturikkut eqqumiitsuliornermillu suliaqartunit ilisimaneqarpallaanngillat. Siunnersuinerit tapersersuinerillu piviusunik tunngaveqartut ineriartornissamullu patajaatsumik tunngaviliisut pisariaqartinneqarput.

Paasissutissat tunngaviusut pillugit oqaaseqaat

Misissuineq Kalaallit Nunaanni eqqumiitsuliornermik suliaqartunit 170-ingajannit nammineq kajumissutsimit akissuteqarnermik tunngaveqarpoq, taakkunannga amerlanerit Nuummiipput sinnerilu illoqarfinni allani mikinerusunilu agguataarneqarsimapput. Misissuinerup pisariaqartitat ersersippaa, kulturimilli eqqumiitsuliornermillu inuussutissarsiuteqartut tamakkiisumik takussutissaqartinngilaa.

Paasissutissanik katersineq Nuummi mittarfissap nutaap ammarneqarnera tamatumalu kingorna takornariaqarnerup malunnaatilimmik annertusiartornera sioqqullugu pivoq. Tassa imaappoq inuussutissarsiornermi sinaakkutit misissuinerup kingorna allangoreersimasinnaapput. Taamaakkaluartoq nalilerneqarsinnaavoq misissuineq naleqangaartoq aamma Kalaallit Nunaanni eqqumiitsuliornermik inuussutissarsiuteqartut aaqqissuussaanikkut pisariaqartitaannik unammilligassaannillu suli atuuttunik assersuutaasumik takutitsisoq.

Kalaallit Nunaanni eqqumiitsuliortut qanoq amerlatiginersut allattorsimaffeqanngilaq. Assersuutigalugu Danmarks Statistikip "Kunstnere i Danmark" pillugit nalunaarsugaateqarneq ineriartortissimavaat, paasissutissat assigiinngitsut ataatsimut katersorneqartarput: eqqumiitsuliortut kattuffiini ilaasortat allattorsimaffii, pisinnaatitaaffinnik tunissuteqarnerit (assersuutigalugu KODA, Copydan), tapiiffigineqarsimasut legatinilluunniit pissarsisut pillugit paasissutissat kiisalu ilinniagaqarneq isertitallu pillugit nalunaarsuiffiit.

Kalaallit Nunaanni suli taamatut aaqqissuussisoqanngilaq. Kalaallit Nunaanni kulturikkut eqqumiitsuliornermillu inuussutissarsiuteqartut pisariaqartitaannik misissuineq ilisimasanik tunngaviliornissamut alloriarnertut isigineqassaaq, siunissami sammisassanut neqeroorutaasinnaasunullu siunnersuutinut tunngaviusussanngorlugu.

Pissarsiat

Paasissutissat pingaarnerit

- NAPA - Kalaallit Nunaanni kulturikkut eqqumiitsuliornermillu inuussutissarsiuteqartut pisariaqartitaannik misissuineq (2023–2024). Apeqquteqaat aqqutigalugu akissutigineqartut 170-it.

Kisitsisit nalunaarutillu

- Danmarks Statistik. Kunstnere i Danmark. Dokumentation og statistik. Uani pissarsiarineqarsinnaavoq: <https://www.dst.dk/da/Statistik/dokumentation/statistikdokumentation/kunstnere-i-danmark>
- Danmarks Statistik. Statistisk behandling af "Kunstnere i Danmark". Uani pissarsiarineqarsinnaavoq: <https://www.dst.dk/da/Statistik/dokumentation/statistikdokumentation/kunstnere-i-danmark/statistisk-behandling>